

Bosna i Hercegovina  
\* Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski Načelnik

Broj: 02/12-45-6723/2/23  
Sarajevo, 28.04.2023. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14 i 59/22), člana 26. Pravilnika o javnim nabavkama roba, vršenju usluga i ustupanju radova, br. 02/12-45-712/23 od 12.01.2023. godine, u predmetu javne nabavke "Nabavka stručne usluge revidiranja projektne dokumentacije iz oblasti komunalne infrastrukture" Otvoreni postupak javne nabavke, objavljen u Službenom glasniku BiH, br. 22/23 i Portalu javne nabavke br. 422-1-2-66-3-62/23 od 23.03.2023. godine, na Preporuku Komisije za javne nabavke roba i usluga, Općinski načelnik, donosi

### **ODLUKU**

1. Prihvata se ponuda ponuđača URBIS CENTAR d.o.o. Banja Luka, sa ponudom u iznosu od 26.061,75 KM sa PDV-om, u predmetu javne nabavke "Nabavka stručne usluge revidiranja projektne dokumentacije iz oblasti komunalne infrastrukture" Otvoreni postupak javne nabavke, objavljen u Službenom glasniku BiH, br. 22/23 i Portalu javne nabavke br. 422-1-2-66-3-62/23 od 23.03.2023. godine, shodno članu 64. stav 1. tačka b. Zakona o javnim nabavkama.

2. Zadužuje se Služba za zajedničke poslove da obavjesti učesnike u Otvorenom postupku javne nabavke o donošenju Odluke o dodjeli ugovora.

3. Zadužuje se izabrani ponuđač da dostavi ovjerene kopije uvjerenja iz člana 45. – 47. Zakona o javnim nabavkama u roku od 5 dana po prijemu ove Odluke.

4. Protiv ove Odluke dozvoljena je žalba u roku od 10 dana od dana prijema iste.

### **Obrazloženje**

Postupak javne nabavke – "Nabavka stručne usluge revidiranja projektne dokumentacije iz oblasti komunalne infrastrukture", pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama, u Otvorenom postupku javne nabavke, objavljenom u Službenom glasniku BiH, br. 22/23 i Portalu javne nabavke br. 422-1-2-66-3-62/23 od 23.03.2023. godine.

Izvještajem i preporukom Komisije za javne nabavke, utvrđeno je sljedeće:

- Da je Zapisnikom sa otvaranja ponuda od 17.04.2023. godine, konstatovano je da su zaprimljene dvije ponude

1. URBIS CENTAR d.o.o. Banja Luka, sa ponudom od 26.061,75 KM sa PDV-om,
2. ZAVOD ZA VODOPRIVREDU DD Sarajevo sa ponudom od 20.270,25 KM sa PDV-om

- Da je Komisija detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da dostavljena ponuda ponuđača URBIS CENTAR d.o.o. Banja Luka ispunjava uslove specificirane u tenderskoj dokumentaciji, te da je računski ispravna.

- Da ponuda ponuđača ZAVOD ZA VODOPRIVREDU DD Sarajevo ne ispunjava uslove specificirane u tenderskoj dokumentaciji iz tačke 4.2.1. pod b) Lista izvršenih ugovora ponuđača da je u protekle tri kalendarske godine uspješno izvršio najmanje jedan ugovor koji za predmet ugovora ima isti ili sličan predmet nabavke vrijednosti najmanje 20.000,00 KM. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima isti ili sličan predmet nabavke vrijednosti najmanje 20.000,00 KM sa PDV -om, a koji je izdala ugovorna strana... i tačke h) Dokaz izdat od PIO/MIO/Porezna uprava da ponuđač ima u radnom odnosu na neodređeno vrijeme jednog diplomiranog inženjera građevine – hidrotehnički smjer sa položenim stručnim ispitom i deset godina radnog iskustva, koji ne smije biti stariji od 30 dana od krajnjeg roka za predaju ponuda (original ili ovjerena kopija).

Kako ponuđač ZAVOD ZA VODOPRIVREDU DD Sarajevo u sastavu ponude nije dostavio potvrdu da je uspješno izvršio jedan ugovor koji za predmet ugovora ima isti ili sličan predmet nabavke vrijednosti najmanje 20.000,00 KM, te kako je Lista osiguranih lica za navedenog obveznika ZAVOD ZA VODOPRIVREDU DD Sarajevo, Porezne uprave Federacije BiH, br. 13-9/3-12-45-2167/23 od 15.02.2023. godine, starija od mjesec dana od dana predaje ponude, to se njegova ponuda odbacuje, shodno članu 68. Zakona o javnim nabavkama.

Obzirom da se radi o Otvoreno postupku javne nabavke, objavljenom u Službenom glasniku BiH, br. 22/23 i Portalu javne nabavke, broj obavještenja 422-1-2-66-3-62/23 od 23.03.2023. godine, da su dostavljene dvije ponude od kojih samo jedna ispunjava uslove specificirane tenderskom dokumentacijom, te kako tačkom 1.5.5. tenderske dokumentacije nije predviđeno provođenje e – aukcije, to je na Preporuku Komisije za javne nabavke roba i usluga, shodno članu 64. stav 1. tačka b. Zakona o javnim nabavkama, odlučeno kao u dispozitivu.

**Pouka o pravnom lijeku:**

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

**DOSTAVITI:**

1. Služba za zajedničke poslove
2. U spis



**Općinski načelnik**  
**mr Semir Efendić**